

Mungu Anadai Upendo wa Juu Kabisa

Hakuna mtu awezaye kutumikia mabwana wawili; kwa maana atamchukia huyu, na kumpenda huyu; ama atashikamana na huyu, na kumdharau huyu. Hamwezi kumtumikia Mungu na mali—**Mathayo 6:24**.

Wengi wako kwenye uwanja wa adui wa uchawi. Mambo yasiyo na umuhimu—sherehe za kipumbavu za kijamii, uimbaji, utani na mizaha—hushughulisha sana akili zao na kumtumikia Mungu kwa moyo uliogawanyika.... Tamko la Yesu kuwa, “Hakuna mtu awezaye kutumikia mabwana wawili,” halizingatiwi.

Moja ya sifa zilizojulikana zaidi za wakazi wa dunia katika siku za Nuhu ni tabia yao kuu ya kiulimwengu. Walifanya kula na kunywa, kununua na kuuza, kuoza na kuolewa, kuwa shabaha yao kuu ya maisha. Si dhambi, lakini utimizaji wa jukumu la kula na kunywa, ikiwa kile kilicho halali hakitafanywa kupita kiasi.... Mungu mwenyewe alianzisha ndoa pale alipompatia Adamu Hawa. Sheria zote za Mungu zimetolewa kwa namna ya pekee ili kutosheleza asili ya mwanadamu. Dhambi ya watu wa wakati wa Nuhu ilikuwa ni kuharibu kile ambacho kwa chenyewe kilikuwa ni halali. Waliharibu karama ya Mungu kwa kuzitumia kutosheleza matamania yao binafsi....

Kupenda kupita kiasi na kujitolea kwa kile ambacho kwa chenyewe ni halali, huthibitisha uharibifu wa maelfu kwa maelfu ya roho. Mambo yaliyo na umuhimu mdogo yamepewa nguvu ya akili ambayo ilipaswa kutolewa kabisa kwa Mungu tu. Tunahitaji kujilinda daima dhidi ya kubeba kupindukia kile ambacho kikitumiwa ipasavyo ni halali. Roho nyingi, nyingi mno zimepotea kwa kujihusisha katika yale mambo ambayo yakitumiwa ipasavyo, hayana madhara, lakini ambayo, yanapotoshwa na kutumiwa vibaya, yanakuwa dhambi na ya kukatisha tamaa.

Ikiwa tunadumu kufikiria na kuhangaika kwa ajili ya mambo yahusianayo na maisha haya, hatuwezi kuyakaza mawazo yetu kwa mambo ya mbinguni. Shetani anatafuta kuziongoza fikra zetu mbali na Mungu na kuyakaza kwenye mitindo, taratibu na shughuli za ulimwengu, ambavyo huleta ugonjwa na mauti....

Katika ulimwengu huu tunapaswa kujipatia stabili kwa ajili ya ulimwengu wa juu. Mungu ametuachia amana na anatazamia sisi kutumia uwezo wetu wote katika kuwasaidia na kuwabariki wanadamu wenzetu. Anataka tumpatie upendo wetu ulio bora na nguvu zetu za juu zaidi.